

Projektom GOLD do novih radnih mjesta

Nedavnim potpisivanjem ugovora vezanih za ovaj projekat, lokalnim zajednicama omogućena je pomoć pri zapošljavanju sve većeg broja nezaposlenih osoba i u skorije vrijeme predviđeno je otvaranje novih 6.000 radnih mjesta.

Piše Vedad Hajdarević



Nezaposlenost u našoj zemlji je i dalje veliki problem

U doba svakodnevnog rasta nezaposlenosti u našoj zemlji, svaki projekat koji je vezan za zapošljavanje dobije veliki prostor u medijima, a očekivano, nailazi i na veliki interes kod sverastuće populacije nezaposlenih stanovnika naše zemlje. Trend nezaposlenosti je vrlo teško zaustaviti, najviše zbog složene političke situacije u našoj zemlji, koja odbija investitore i njihove planove o zapošljavanju.

Jedan od najnovijih projekata vezanih za zapošljavanje je i onaj *Američke agencije za međunarodni razvoj (USAID)* i *Švedske međunarodne agencije za razvoj i saradnju (SIDA)*. Radi se o projektu unapređenja lokalnog razvoja koji nosi naziv *GOLD*, a o čijem je početku nedavno potpisan *Memorandum o razumijevanju* sa šest partnerskih općina u BiH. Glavni cilj ovog zajedničkog projekta *USAID*-a i švedske *SIDA*-e je snažna podrška lokalnim zajednicama na ekonomskom razvoju, privlačenju investicija i otvaranju novih radnih mjesta.

Velika pomoć

Memorandum o razumijevanju potpisali su direktor *Misije USAID* u BiH David Barth i savjetnik *SIDA* Pelle Persson s gradonačelnicima Banje Luke i Bijeljine, Slobodanom Gavranovićem i Mićom Mićićem, te sa načelnicima općina Bihać Emdžadom Galijaševićem, Centra Sarajevo Dževadom Bećirevićem, Ljubuškog Nevenkom Barbarićem i s načelnikom općine Tuzla Jasminom Imamovićem, a sličan sporazum uskoro se planira potpisati i sa još nekoliko općina u BiH. "Fokus partnerskih općina i *USAID/SIDA GOLD* projekta bit će prvenstveno otvaranje novih radnih mjesta. Projekat će pomoći odabranim



Kompanija Saniteks je uz pomoć ovog projekta zaposlila 120 radnika



David Barth

Vrijednost projekta je 20 miliona američkih dolara, kaže Barth

Pristupili i Herecegovci

Nedavno je ovom projektu pristupilo još nekoliko bh. općina, prvenstveno iz Hercegovine, a memorandume o podršci ovom projektu potpisali su načelnik općine Tomislavgrad Ivan Vukadin, Miljan Aleksić, načelnik opštine Bileća, Smiljan Vidić, načelnik općine Čapljina, Ivo Jerković, predstavnik općine Konjic, načelnik općine Čitluk Ivo Jerkić, Momčilo Šiljegović, načelnik opštine Nevesinje, Miro Kraljević, načelnik općine Široki Brijeg i Slavko Vučurević gradonačelnik Trebinja.

općinama da iskoriste svoje neiskorištene potencijale da bi se otvorila nova radna mjesta za bh. građane, prilagodile kvalifikacije i vještine nezaposlenih osoba potrebama tržišta rada i smanjila izuzetno visoku stopu nezaposlenosti od 63 posto nezaposlenosti mladih”, istaknuo je direktor Misije USAID u BiH David Barth i dodao da je početna vrijednost projekta 20 miliona američkih dolara, a trebao bi trajati četiri do pet godina.

GOLD projekat će saradivati sa 47 općina koje će imati na raspolaganju istu podršku i usluge. U ostvarenju ciljeva projekta bit će angažirani građani,

GOLD projekat će saradivati sa 47 općina koje će imati na raspolaganju istu podršku i usluge. U ostvarenju ciljeva projekta bit će angažirani građani, javni i privatni sektor, akademska zajednica, nevladine organizacije, kao i donatori

javni i privatni sektor, akademska zajednica, nevladine organizacije, kao i donatori.

“Ujedno, USAID/SIDA GOLD projekat će podržati bh. kompanije da dostignu evropske standarde kvalitete da bi se povećao izvoz, te pomoći općinama da bolje i transparentnije upravljaju javnim finansijama, unaprijede poslovno okruženje, kako bi se olakšalo poslovanje firmama i potaklo poduzetništvo”, naveo je savjetnik SIDA-e Pelle Persson.

U sklopu potpisivanja Memoranduma, načelnici i gradonačelnici Banje Luke, Bijeljine, Bihaća, općine Centar Sarajevo, Ljubuškog i Tuzle predstavili su

ekonomske vizije svojih lokalnih zajednica, te su istaknuli prirodne i privredne potencijale i obučenu radnu snagu. Uz izraze zahvalnosti, iskazali su uvjerenje da će realizacija projekta GOLD doprinijeti operativnosti uprave, poboljšanju infrastrukture, privlačenju investicija i otvaranju novih radnih mjesta.

“Ovaj projekat došao je u pravom trenutku, jer je svima poznato da su ekonomski lokalni razvoj i nova radna mjesta nešto što je trenutno najvažnije. U okviru ovog projekta ponudićemo prirodne kapacitete i svi ćemo pokušati da smanjimo visoku stopu nezaposlenosti koja na ovim prostorima iznosi oko 40 posto. Imamo prirodne potencijale koje treba da stavimo u funkciju razvoja, a svaka podrška razvoju doprinosi društvenoj stabilnosti i kombinacija tih faktora će zasigurno dovesti do poboljšanja ekonomske situacije i kvaliteta života naših sugrađana”, kaže Mićo Mićić, gradonačelnik Bijeljine i izražava nadu da će u okviru ovog projekta, kroz korištenje privrednih potencijala koje ima Semberija i proizvodnju zdrave hrane, doći do otvaranja novih radnih mjesta.

Prekvalifikacija radne snage

USAID/SIDA GOLD projekat će razvijati model održivog lokalnog ekonomskog razvoja pri čemu će partnerske općine kreirati model ekonomskog razvoja, koji će biti primjenjiv u cijeloj zemlji kao temelj za održivi ekonomski rast. Jedan od konkretnih primjera ovog projekta je nedavno zapošljavanje novih 120 radnika u bužimskoj fabrici sanitetskog materijala Saniteks.

Osim konkretnog zapošljavanja, nedavno je potpisan i Memorandum o razumijevanju za otvaranje 400 novih radnih mjesta projektom prekvalifikacije evidentiranih na biroima za zapošljavanje u FBiH, čime bi se nova radna mjesta otvorila u Visokom, Vogošći, Konjicu, Olovu i Zavidovićima. Prekval-

Projekat će pomoći odabranim općinama da iskoriste svoje neiskorištene potencijale da bi se otvorila nova radna mjesta za bh. građane, prilagodile kvalifikacije i vještine nezaposlenih osoba potrebama tržišta rada

RAPORT

Niže cijene naknada
za ino doznake
unutar Erste i
Sparkasse Grupe

Analizirajući potrebe svojih klijenata, *Erste i Sparkasse Grupa* uveli su novu uslugu pod nazivom *FIT 2.0*, brzi unutargrupni transfer novca kojom klijenti ostvaruju niže naknade i do 25 posto.

FIT 2.0 podrazumijeva transfere u EUR valuti sa računa na račun u svim članicama *Erste i Sparkasse Grupe* u Austriji, Hrvatskoj, Češkoj, Mađarskoj, Makedoniji, Crnoj Gori, Moldaviji, Rumuniji, Srbiji, Slovačkoj i Ukrajini. Doznake se vrše svakodnevno i brže su od uobičajanih doznaka s tim da klijent već istog dana može raspolagati svojim sredstvima. Ovom uslugom klijenti dobijaju bržu i jednostavniju proceduru kod finansijskih transakcija i značajnu uštedu novca.

Erste i Sparkasse Grupa su prije nekoliko godina uveli uslugu podizanja novca bez naknade na ukupno 7.000 bankomata, te je sa ovom novom uslugom *FIT 2.0* dodatno unaprijedila usluge finansijskih transakcija za sve svoje klijente.

"Nadamo se da će naši klijenti sa novom uslugom *FIT 2.0* osjetiti jačinu naše *Grupe* i njenu međusobnu interakciju u cilju kreiranja većeg zadovoljstva klijenata" rekao je Asmir Deljković, direktor *Sektora Sparkasse Bank* za poslovanje sa privredom. **B**



Ugovori su potpisani sa institucijama za zapošljavanje

USAID / SIDA GOLD projekat će razvijati model održivog lokalnog ekonomskog razvoja pri čemu će partnerske općine kreirati model ekonomskog razvoja, koji će biti primjenjiv u cijeloj zemlji kao temelj za održivi ekonomski rast. Jedan od konkretnih primjera ovog projekta je nedavno zapošljavanje novih 120 radnika u bužimskoj fabrici sanitetskog materijala Saniteks

ifikacija će se vršiti u tekstilnoj, elektro, hemijskoj i zanimanja u automobilskoj industriji.

Ovim projektom želi se uticati i na srednjoškolski nivo obrazovnog sistema u ovim gradovima, na način da srednje škole u Visokom, Vogošći, Konjicu, Olovu i Zavidovićima učenike pripremaju i osposobljavaju za zanimanja koja su potrebna kompanijama u njihovom okruženju. Tako bi se mladim

ljudima olakšalo zapošljavanje, a firmama osigurao kvalitetan kadar. Direktor *Federalnog zavoda za zapošljavanje* Kenan Rešo pojasnio je da je potpisivanju ovih ugovora prethodio intenzivan višesedmični rad na pripremanju projekata koji su predstavljani.

Prekvalifikacija će se vršiti u tekstilnoj, elektro, hemijskoj i zanimanja u automobilskoj industriji

"Volio bih da ova godina završi sa oko 2.500 ljudi obuhvaćenih ovim i sličnim projektima zapošljavanja. Ovakvi projekti, koje započinjemo unutar *GOLD* programa, praktično vrlo su teško provodivi, naročito u FBiH, bez donošenja odgovarajućeg *Zakona o obrazovanju odraslih*. Pozivam nadležne za donošenje zakona da uspostave direktnu komunikaciju sa privrednicima. Svi naponi koji čine *USAID i SIDA i GOLD* program i drugi manji projekti, praktički su ograničenog vremenskog trajanja ukoliko sama država ne poduzme dodatne napore na pronalaženju novog prostora za prilagođavanja potrebama privrednika", kaže Rešo. **B**